

NEGUKO ESKEA

Neguko Eskean aterako gara koplari: eskolan gelaz gela, edo herrian kalez kale, ala baserriz baserri bestela...

Eskeko koplak doinuak ikasiko ditugu. Neurritz *kopla handia* dira.
Eta eskean goazela, geldialdi bakoitzean 4 koplak mota kantatu ohi direla jabetuko gara.

Gero gure koplak asmatu eta... ea umorea jartzen dugun herrian!





**Aitor
Mendiluze
Gonzalez**



NEGUKO ESKEA



Doinua:
Bonbolontena nere laztana l
Kopla handia (2 puntukoa)



Doinua:
Han goien goien izarra
Kopla (3 puntukoa)

Dios te salve ongi etorri
Gabon Jainkuak diela
legearekin kunpli dezagun
Santa Ageda bezpera

Santa Ageda Ageda
bihar da Santa Ageda
bihar da Santa Ageda eta
gaur haren bezpera gaua

Hasierako agur formalak

2 puntukoa

Kopla kantari atera gara
Santa Ageda bezperan
makilarekin lurra esnatuz
pasako dugu primeran

3 puntukoa

Urtero gaurko egunez
festa ederra dugunez
kantari gatoz gure koplekin
ohiturari erantzunez.

Zirikazkoa

2 puntukoa

Etxe honetan norbait badago
herriko langileena
berak sekula egin ez arren
denei agintzen diena.

3 puntukoa

Esaten dute hau dena
herriko etxe onena
ikusiko da egia al den
zuei buruz diotena.

Eskekoa

2 puntukoa

Zuen etxeak beti izan du
txorizo onaren fama
eta atera etxeakoandreak
ate atzean daukana.

3 puntukoa

Irakasleari tope
eskatu nahi genioke
hamarrekorik ez dugu behar
zortzia ondo legoke.

Bukaerako agur formalak

2 puntukoa

Eskerrik asko etxeko denei
gustura egon gara gu
sobratu zaigun txokolatea
biderako daramagu.

3 puntukoa

Bagoaz berriz aparte
ohitura zaharra bitarte
eskerrik asko guztiagatik
eta hurrengora arte.



ESKEKO KOPLAK

Eskean goazela 4 koplak mota kantatu ohi ditugu

Hasierako agur formala. Gizalegez kaixo esan eta zer ospatzen ari garen gogora ekarriz.

Zirikazkoa. Aurrean dugun protagonistari buruzko koplak. Umorez, baina neurrian zirikatuz. Helburua berak ere barre egitea da!

Eskekoa. Zerbait eman dezan xaxatuz (gailetak, intxaurrak, xoxak...).

Bukaerako agur formala. Eskerrak emanaz, festa egunak ondo pasatzeko desioz, edo hurrengora arte agurtuz.





HARA HEMEN EREDU GEHIAGO!



Doinua:
Bonbolontena nere laztana /
Kopla handia (2 puntukoa)



Doinua:
Han goien goien izarra
Kopla (3 puntukoa)

Hasierako agur formal

2 puntukoa

Kaixo lagunak kantari goaz
ate batetik **bestera**
hontara ere etorri gara
kantura eta **eskera**.

Santa Ageda bezpera da-ta
bagatoz kopla **kantari**
makilak joaz esna dadila
eskatuz gure **lurrari**.

3 puntukoa

lepa lagunak bagatoz
denak jarri gara **ados**
gaurko eguna koplak kantatuz
ondo pasatzeko **asmoz**.

Kaixo zer moduz kuadrila
bagatoz koplari **pila**
kantua zuei eskaini eta
zuen irriaren **bila**.

Zirikazkoa

2 puntukoa

Herrian zehar kopla kantari
heldu gara **farmazira**
Gure etxeko aiton-amonak
zuei esker bizi **dira**.

Goxoki denda hontan sartzeko
egoten gara **irrikak**
herriko umeek hemen ikasten
ditugu **matematikak**.

3 puntukoa

Gaude udaltzain etxean
galdezka nator, **letxean**
zuetan zeinek jartzen du multa
beti amaren **kotxean?**

Marikarmen pelukera
zugana etorri **gera**
gure koplarik txorrotxenekin
ileak puntan **jartzera**.

Eskekoa

2 puntukoa

laz probatu genuen eta
zer nolako **arrakasta**
aurten osorik jan nahi genuke
etxe honetako **gazta**.

Urdaiazpiko edo sagardo
txanpona edo **papera**
nahi duzuen bota poltsara
erraz konformatzen **gera**.

3 puntukoa

Hemen da gure kuadrila
bere limosnaren **bila**
eskuzabalak omen zarete
orain ikusi **dadila**.

Guk ezer baino gehiago
askari on bat **nahiago**
ogi gogorra onartzen dugu
barruan zerbait **badago**.

Bukaerako agur formalak

2 puntukoa


Eskerrik asko limosnagatik
eta **harrerarengatik**
bide osoak merezi zuen
hona **etortzeagatik**.

Eskerrak eman eta bagoaz
zuen etxetik **aparte**
osasunez ta umorez segi
agur, hurrengora **arte**.

3 puntukoa

Etxekoei mila esker
ezin esan beste **ezer**
berriz biltzeko beste urte bat
igaro dadila **laster**.

Agur, bagoaz bidean
hotsak zabalduz **airean**
hurrena ere bil gaitzela
aurtengo giro **berean**.



ESKEKO KOPLAK



Doinua:

Bonbolontena nere laztana !
Kopla handia (2 puntukoa)



Doinua:

Han goien goien izarra
Kopla (3 puntukoa)

Erabaki dezagun bakoitzak zein tokitan abestuko duen, eta zer motatako kopla egitea dagokion: hasierako agur formalak, zirrikazkoa, eskekoa ala bukaerako agur formalak. Eta gogoratu: zirikatzea ere ondo dago... baina bere NEURRIAN!

Tokia:

Hasierako agur formalak

Four horizontal grey brushstroke lines for writing.

Tokia:

Eskekoa

Four horizontal grey brushstroke lines for writing.

Tokia:

Zirrikazkoa

Four horizontal grey brushstroke lines for writing.

Tokia:

Bukaerako agur formalak

Four horizontal grey brushstroke lines for writing.